

PLOANIES SAN MARTIN Y LUNGIARÜ

Condiziuns por davagné l'indulgënza dla Porziuncula:

Vijita dla dljia de na cöra o na dljia di franzescans dijon le Paternoster y le Credo, jí a se confessé (cun le proponimënt frëm de s'un desdí da vigni picé) y ala comuniun y dí na oraziun a d'intenziun dl papa.
L'indulgënza nes dèida da se convertí te nosc daite y da fá indô bun le dann ch'i un gaujé. I mëssi dé ota y me comedé y m'orienté danü sön Chël Bel Dî.

SAN MARTIN

Deache Ida Deiaco n'é, por gauja de sanité, nia plü buna da **dí dant la corona les domënies dan la gran mësä**, vëgnel dër bel perié che zacai d'atri fistidiëies da dí dant. Chi che é a òna da surantó chësc sorvisc, é bel peria de s'anunzié pro Leo Crepaz (348 40 96 351) o pro Albina Ploner 335 58 72 787. Ala Ida ti dijunse n bel dilan por chësc sorvisc ch'ara á fat cun tan de lezitënza.

Le Cor de dljia inviëia düc a so concert de cianties sacres y d'orghe en sabeda, ai 8 d'agost, dales 21.00, te dljia.

LUNGIARÜ

La Uniun di Seniors da Lungiarü inviëia ala **Mostra de Guanc da Zacan** incö, domënia, ai 2 d'agost, tl salf dla scora dales 8.30 ales 16.30.

La domënia passada dala gran mësä ite en Ciasa de Palsa é gnü desmentié na **ora da brac dal ciol blanch**. Chi che l'á mancia dess tó sô contat cun la direziun 0474 523 112.

Sorvisc ai jogn: En lönesc, ai 3 d'agost, mët man la **“Edema d'aventöra demez da ciasa”** por düc i jogn y les jones dla scora mesana che s' á scrit ite. I s'incuntun dales 8.00 dan la senta dl Sorvisc ai Jogn a Picolin.

En chësta ota pó le **Sorvisc ai Jogn festejé 30 agn** d'ativité. Por chësta ocasiun vëgnel metü a jí n **concurs de fotografia** cun le tema “Jonëza é...”.

Le regolamënt y dötes les informaziuns é da ciafé sot a www.jogn.org.
Termo da mené ite les fotografies é i 31 d'otober 2015.

ASSOZIAZIUN TURISTICA:

Dumenia, 2 d'agost: **Roda dles Viles** a Lungiarü metüda a jí dai Stödafüch

Lönesc, 03/08, dales 21.15: **Bal Popular** Val Badia a San Martin söl paiun

Dedolönesc, 04/08, dales 16.00: **Liëndes** por pici y gragn cuntades da Simon Kostner a Antermëia; spazirada y n pice domisdé. Düc é der bel invia!

Vëndres, 07/08, dales 21.00: **Conzert dla Musiga** da San Martin söl paiun

Sabeda, 08/08, dales 21.00: **Conzert dl Cor** de dljia tla dljia da San Martin

Invit ala mostra dl' economia **“La Val se mostra”** daverta cina ai 9 d'agost dales 10.00 ales 21.00 tl tendun dla zona artejanala.

Condiziuns por davagné l'indulgënza dla Porziuncula:



internet: www.valbadiaonline.com

Plata dles Ploanies San Martin y Lungiarü

siur Iaco Ploner 333 48 32 765 / 0474 453 003 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

02.08.- 09.08.2015 nr. 36

termo da publiché: jöbia 20.00

radio: 90,40 / 93,70



18ª DOMËNIA IA POR L'ANN B

Vangele: Jan 6,24-35

Amen, amen, iö ves diji:

Nia Mosè ne ves à dè le pan dal cil,
mo mi Pere ves dà le dër pan dal cil.

Deache le pan che Idî dà,
vëgn jö dal cil y ti dà al monn la vita.

Sön chëra l'ài perié:

Dasse dagnora chësc pan!

Gejù ti à respognü;

Iö sun le pan dla vita;

chël che vëgn da mè n'arà mai plü fan,

y chël che crëi te mè n'arà mai plü sëi.



*Co éra pa cun la fede? É la fede n sforz dla jënt o é l na scomenciadia de Dî?
Tl vangele de San Jan vëgnel tresfora indô dant chësta chestiun.*

*Dessigü, la fede stá tla liberté dla jënt, mo ciafé le tru dla fede, ester bugn da
crëie, stá ince tl operé de Dî.*

*Al é Chël Bel Dî che nes chir tres danü, che prô da nes trá pomez a d'ël,
che ciara te mile manires da aziché nosc cör, nüsç pinsiers, nostes aziuns,
da arjunje nosta fan y nosta sëi y da nes pascenté.*

*Tl vangele da incö vara indô de pan. L'ultima domënia á Gejù multipliché le pan
y düc n'á ciafé assá. Chësc ne s'à la meja nia desmentié;
ai á metü man da le tó söl sciode, da le chiri y da ti jí do.*

Gejù tol la fan y la sëi dla jënt söl sciode.

Mo al oress ince instës gní tut söl sciode sciöche nudrimënt por la vita y la fede.

Gejù pîta pan y se pîta ince se instës.

Al ó nudrí y renforzé nosta fede, nosc dejer do la vita cun ël, nüsç sforç.

*Y i crëii ince che ël ne zed nia te sües scomenciadies da nes gní adincuntra
y da nes atoché. (Chr. Rod)*

	SAN MARTIN		LUNGIARÜ
02.08.15 18^a Domënia ia por l'ann Domënia dla Porziuncola - invit de davagné l'indulgënza	9.00 Corona 9.30 Gran Mëssa por la comunité cun benedisciun dl tëmp Oferta de San Christoforus	09.08.15 Domënia	7.55 Corona 8.15 Gran Mëssa por la comunité cun benedisciun dl tëmp 15.00 Corona tla capela de S. Ujöp Freinademetz
03.08.15 Lönesc <i>Lidia, Benno</i>		03.08.15 Lönesc	
04.08.15 Dedolönesc <i>Jan Maria Vianney - Curat d'Ars,</i> <i>Friedrich</i>	19.30 Mëssa fam. Heinz Videsott (de rengraziamënt) + + Hermann y Agata Rungger + Vijo Clara + Dorotea Gasser (aniv)	04.08.15 Mertesc	
05.08.15 Dedemesaledema <i>Segra dla Basilica S. Maria Maggiore,</i>		05.08.15 Mercui	7.30 Mëssa families dl Feur + Angela Nagler (dla Uniun)
06.08.15 Jöbia <i>Trasfiguraziun de Gejù, Gilbert</i>	7.00 Confesciuns dl pröm vëndres 7.30 Mëssa en onú a S. Ujöp Freinademez + Bino Pedevilla Corona por vocaziuns Comuniun ai amará	06.08.15 Jöbia	
07.08.15 Vëndres <i>Sist II, Caietan, Edmund</i> Pröm Vëndres	19.00 Adoraziun chîta 19.30 Devoziun eucaristica	07.08.15 Vëndres	7.00 Adoraziun y confesciuns 7.30 Mëssa familia Eugenio Maieron + Ida Clara Comuniun ai amará
08.08.15 Sabeda <i>Domene, Ziriach</i>	15.30 Mëssa tla Ciasa de Palsa 18.30 Mëssa prefestia + + Frieda y Paul Vantsch + Corrado Castlunger (dl KVV) + + Milio y Tile Castlunger 21.00 Conzert dl Cor de Dlijia	08.08.15 Sabeda	20.00 Mëssa prefestia 2 ^a de sopoltöra de Carlo Dejaco aniv. Veneranda Schanung + + Pire y Anna Pezzei
09.08.15 19^a Domënia ia por l'ann	9.00 Corona 9.30 Gran Mëssa por la comunité cun benedisciun dl tëmp	09.08.15 Domënia	7.55 Corona 8.15 Gran Mëssa por la comunité cun benedisciun dl tëmp 15.00 Corona tla capela de S. Ujöp Freinademetz